

ত্রিপুরা সরকার
তথ্য ও সংস্কৃতি অধিকার

স-২২৩৫
আগরতলা, ৮ আগস্ট, ২০২৫

প্রকাশিত সংবাদের স্পষ্টিকরণ

‘কাথনপুর বাজারে আদায় হচ্ছে জিজিয়া কর, জনমনে ক্ষেত্র’ শিরোনামে ২৯-০৭-২০২৫ তারিখে দৈনিক সংবাদ পত্রিকায় প্রকাশিত সংবাদ সম্পর্কে এক স্পষ্টিকরণ দিয়ে উত্তর জেলার পুলিশ সুপার জানিয়েছেন যে, কাথনপুরের এসডিপিও এব্যাপারে তদন্ত করেছেন। তদন্তে জানা গেছে কাথনপুর মহকুমার কোন থানা আজ পর্যন্ত এভাবে কৃষক বা বিক্রেতাদের কাছ থেকে বলপূর্বক টাকা সংগ্রহ করেনি। জনসাধারণের সমস্যা সমাধানে পুলিশ সবসময় তৈরি থাকে এবং জোরপূর্বক অর্থ সংগ্রহের কোন তথ্য আজ পর্যন্ত আইন বলবৎকারী কর্তৃপক্ষের কাছে আসেনি। তৎসত্ত্বেও সমস্ত রকম স্বচ্ছতা বজায় রাখার জন্য এবং কোন সমস্যা থাকলে তা সমাধানের লক্ষ্যে সাধারণ প্রশাসন ও কাথনপুর বাজার কমিটির সাথে একটি বৈঠকের আয়োজন করা হয়। বৈঠকে আবারও যেকোন প্রকার বেআইনী ফি সংগ্রহ প্রতিরোধ করার জন্য প্রয়োজনীয় নির্দেশ জারি করা হয়। তাছাড়া সম্প্রতি প্রয়াস সভায় গ্রামবাসী ও স্থানীয় বাসিন্দাদের পরিষ্কারভাবে জানিয়ে দেওয়া হয় বাজারে কোন কিছু বিক্রি করার সময় তারা যদি কোন প্রকার বেআইনী অর্থ সংগ্রহের শিকার হন তাহলে থানায় জানাতে যেন দ্বিধাবোধ না করেন। পুলিশ সুপার জানিয়েছেন, মহকুমা পুলিশ প্রশাসন সংবেদনশীল হয়ে যেকোন বেআইনী ঘটনা মোকাবিলায় প্রস্তুত রয়েছে। তারা গোয়েন্দা তথ্য ও স্থানীয়দের সহযোগিতায় যেকোন ধরণের বেআইনী কার্যকলাপ প্রতিরোধে সচেষ্ট রয়েছে। তাই সংবাদপত্রে প্রকাশিত তথ্য সম্পূর্ণ মিথ্যা এবং ভিত্তিহীন।
